



Inatsisartuni ilaasortaq
Randi Vestergaard Evaldsen
Demokraatit

§ 37 naapertorlugu apeqqummut 2017-266-imut akissut

20-02-2018
Suliaq nr.: 2017 - 27091
All. nr. 27757135

Apeqquinnut, uannut akisassanngorlugit innersuunneqartunut qujanaq. Apeqquitt matuma kinguliani ataasiakkaarlugit akineqarput.

Postboks 909
3900 Nuuk

Tlf.: (+299) 34 50 00
E-mail: box909@nanoq.gl
www.naalakkersuisut.gl

1. § 37 tunngavigalugu apeqqummi 227-mi apeqquittit sisamaat akillugu Naalakkersuisut allapput pissutsit allat atuuttut imaatigut kabelikkut attaveqaatit kisimik avissartinneqassasuuppata. Qanoq aamma sooq Naalakkersuisut isumaqarpat pissutsit allaasut aamma unammilleqatigiinnerulernissamut siunnersuutip unitsikkallarnissaanut tamanna qanoq sunniuteqassava taamallaat imaatigut kabelip sakkortussusaa Tele Postip piginnittuuneranit avissaartinneqassagaluarpas?

Akissut:

Nalunaarasuartaateqarnermi attaveqaatit tunngavigineqartut tamarmiusut tassaapput:

- Immap naqqatigut kabeli Greenland Connect
- Immap naqqatigut kabeli Greenland Connect North
- Radiokædit pingaarnerit
- Nunaqarfinnut radiokædit
- Qaammataasanut attaveqaatit

Attaveqaatit immikkoortuini assigiinngitsuni imminut akilersinnaasumik ingerlatsisoqarnissaanut tunngavissat assigiinngillat. Assersuutigalugu nunaqarfinnut radiokædinut qaammataasanullu attaveqaatinut aningaasartuutit amerlapput aammalu atuisut aningaasartuutit matussusiisussat ikillutik.

Immap naqqatigut kabelit TELE-POST-imiit avissaartinneqarnerini kingunerisassat assersuussinnaaniarlugit, misissueqqissaarnermi naatsorsuutigisat assigiinngitsut aallaavigineqartussaapput.

Apeqqummut 2017-227-mut akissuteqaammi oqaatigineqartut, Naalakkersuisut taamaattumik misissuisitsinissaminnut pilersaaruteqanngillat.

2. Tele Post isumaqarpat Tele Post akorngutissaqanngitsumik atulersitsinissaminut aningaasaliinini taavalu imaatigut kabelip sakkortussusaanik atorneqanngitsumik nunarsuatta sinnerani atuisartunut nioqquteqarnissani Tele Postip aningaasarsissutigisinnaappagu, taava sunamitaavaana pissutaasoq ulloq manna tikillugu taamaaliortoqarsimanninneranut?

Akissut:

TELE-POST ilisimatitsivoq, TELE-POST pisinnaasaminik nunani tamalaani atuisunut

tunisisarnermigut ingerlaavartumik isertitaqartartoq, kisiannili suliat kissaatigineqartumit annikinnerusimasut. Qarasaasianik atuisut amerlanersaasa akinut malussajanerat peqqutaasuni pingaarnepaavoq. § 37-263-imut akissummi allaaserineqartutut ukiuni arlalinni imarpik ikaarlugu niuerfinni akit annertuumik unammillerfiusimapput, aammalu atuisut, pisinnaasanik akisungaatsiartunik, TELE-POST-ip sinneqartoorsinnaaniarluni piumasarisariaqagaanik atuerusuttut, ikippallaarsimallutik.

3. Takuuk § 37 naapertorlugu apeqqummi 227-mi apeqqutit tallimaat. Suna pissutaava Tele Postip innuttaasut inuussutissarsiortullu immikkoortillugit isertitaqaataasimanerannut kisitsisaateqannginneranut. Nalinginnaannginnami sulliviit niuerfiminnik ilisimannittarnerat taamaasillutillu kikkunnut nioqquteqartarnerlutik?

Akissut:

TELE-POST ilisimatitsivoq, suliffeqarfik atuisunik assigiinngitsunik ilisimasaqarluartoq, aammalu taamatut ilisimasaqarneq malinnaaffigiinnarniarlugu nukittorsarniarlugulu tuniniakkat naammagisimaarinninnerillu pillugit misissueqqissaarnernik ingerlaavartumik suliaqartoq. Kisiannili niuerneq eqqarsaatigalugu aperisup ugartugaatut avissaartitsinissaq ingerlatseqatigiiffiup soqutigisarinngilaa.

TELE-POST-ip internetimut qarasaasianullu attaveqaatinut kiisalu inuussutissarsiornermi ingerlataqartut oqarasuaateqarnerannut IT-millu sullissinernut niuerfinni sullissisut allat unammilligarai, aammalu niuernermut paasissutissat isertuussassat saqqummiunnissaat kissaatiginngilaa. Kisiannili TELE-POST-ip ingerlatseqatigiiffiup niuerfii pillugit paasissutissat sukumiisut ukiumoortumik nalunaarummi aqutsisut nalunaarutaanni tamanut ammasumik saqqummiuttarpai, taakkulu atuaqqullugit aperisumut inassutigineqarpoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Erik Jensen